



Comune di Quartu Sant'Elena  
Comunu de Quartu Sant'Aleni

# Is studiantis de s'IC2 contant sa cultura de Quartu

Una sfilada literària po su Carnovali. Unus cantu giòvunus in su tzentru stòricu, peri is bias, is pratzas e sedis istitutzionalis, po sotzializai e trasmiti sa cultura. Po is studiantis de s'Istitutu comprensivu n. 2 'Maria Lai' de Quartu unu mengianu differenti de is àterus, spassiosu e finas produtivu.

Apustis de sa sfilada organizada de sa Pro Loco, paris cun EXME e Domus del Luna, àinturu de is progetus de Coesioni Sotziali, Quartu sighit a afestai su Carnovali gràtzias a is studiantis de s'IC2, chi ant fatu sa sfilada literària. Ddoi fiant totu is scolas de s'Istitutu: sa Scola de s'Infàntzia, sa Primària e sa Segundària de Primu Gradù. Ant promòviu sa letura, contendì e chistionendi de is logus e de is traditzionis de s'ìsula.

De Parcu Matteotti, paris cun is vīgilis urbanus e cunforma a s'edadi, ant sighiu peri is bias Marconi, Porcu, Martini, Garibaldi, finas a pratza Santa Maria, e de is bias Colombo e Marconi, finas a torrai a pratza Azuni e a su Parcu Matteotti. Grupus de 4 o 5 studiantis ligiant liburus cumpartzendi cultura cun is tzitadinus. Una delegatzioni de sa scola primària de bia Firenze dd'ant finas arricida in su Palàtziu Comunali.